

Conseho di Consulta contra proposicion Hulandes

ORANJESTAD – Conseho Consultativo (Raad van Advies) a tuma un posicion contra e proposicion di Hulanda pa no pone e areglo di conflicto pa paisnan den Reino den man di un hues independiente.

Esaki ta un di nan puntonan critico den nan relato anual di aña 2016. E Conseho a publica esaki awor. Ayera gobernador Alfonso Boekhoudt a ricibi e prome ehemplar for di man di presidente Frits Goedgedrag. E relato anual ta duna un bista riba e trabounan hunto cu algun comentario critico riba e desaroyonan durante e aña 2016.

Areglo di conflicto

Pa cu su posicion contra e proposicion di Hulanda pa e areglo di conflicto, Conseho Consultativo di Aruba no ta para su so cu e critica aki: durante e Caribische Radenoverleg na 2016 a dicidi cu tur tres Consehonan Consultativo di e paisnan di Caribe den Reino lo vocifera e mesun opinion critico aki na nan gobierno. Esaki tambe a tuma lugar na 2016 pa medio di un conseho extenso cu Raad di su propio boluntad a duna na gobierno.

Supervision financiero no efectivo

Pa locual ta trata e supervision financiero e Conseho di Consulta ta constata cu e normanan di e Ordenansa



estatal supervision financiero temporal Aruba (Landsverordening Aruba tijdelijk financieel toezicht) no ta efectivo y cu ta haci masha poco pa

un finansa publico duradero y sostenibel. Esaki lo mester bira un punto di atencion cu continuacion di e supervision financiero na 2018, segun e

Conseho.

Pronto Bon Dia Aruba lo publica mas detayenan for di e relato anual 2016.